

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), a u vezi člana 64. stav (1), tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), na preporuku Komisije za javne nabavke u Zapisniku o pregledu i ocjeni ponuda, broj: 03/4-45-4578-5/2025 od 13.5.2025.godine, Vlada Unsko-sanskog kantona na 41. sjednici, održanoj dana 16.5.2025. godine, d o n o s i

O D L U K U

o izboru najpovoljnijeg ponuđača

Član 1.

Prihvata se Preporuka Komisije za javne nabavke za predmet Nabavka usluga tehničke podrške na ISFU sistem i dodjeljuje se ugovor prvorangiranom ponuđaču „ORACLE BH“ d.o.o. Sarajevo, prema dostavljenoj ponudi broj: CPQ3709095-1 od 25.4.2025. godine u ukupnoj vrijednosti od 477.598,32 KM bez PDV-a , odnosno 558.790,034 KM, sa uračunatim PDV-om.

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i objavit će se na web-stranici www.vladausk.ba

Član 3.

Ovlašćuje se ministar Ministarstva finansija da nakon donošenja Odluke o izboru najpovoljnijeg ponuđača i po prethodno pribavljenom Mišljenju Kantonalnog pravobranioca potpiše ugovor sa najpovoljnijim ponuđačem.

Član 4.

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Obrazloženje

Na osnovu Odluke Vlade Unsko-sanskog kantona, broj: 03-02-51-320/2025 od 21.3.2025. godine, Ministarstvo finansija objavilo je dana 25.3.2024. godine na Portalu javnih nabavki, Obavještenje o nabavci broj: 32169-1-2-1-3-4/25 od 25.3.2024.godine, Tendersku dokumentaciju za nabavku usluga tehničke podrške sa pretplatom za ISFU sistem broj: 04-11-4578-1/25 od 25.3.2025.godine. Procijenjena vrijednost javne nabavke bez PDV-a iznosi 480.000,00 KM (slovima: četrístotíneosamdesethíljada í 00/100KM).

Po isteku roka za podnošenje ponuda (9.5.2025.godine do 12:00 sati) evidentirano je da je blagovremeno zaprimljena jedna ponuda i to:

1. „ORACLE BH“ d.o.o. Sarajevo broj: CPQ3709095-1 od 25.4.2025. godine u 11:40h.

Neblagovremeno pristiglih ponuda do javnog otvaranja u ovom postupku nije bilo.

Komisija je konstatovala da je zaprimljena jedna ponuda ponuđača Oracle BH d.o.o. Sarajevo-usluga tehničke podrške sa pretplatom na Informacioni sistem finansijskog upravljanja (ISFU) za potrebe trezorskog poslovanja Unsko-sanskog kantona, koja je prihvatljiva i može biti predmet vrednovanja.


Komisija za javne nabavke predlaže ugovornom organu da se ugovor za predmetnu nabavku usluge tehničke podrške sa pretplatom na Informacioni sistem finansijskog upravljanja (ISFU) za potrebe trezorskog poslovanja Unsko-sanskog kantona dodijeli ponuđaču „Oracle BH“ d.o.o. Sarajevo, prema Ponudi broj: CPQ3709095-1 od 25.4.2025.godine u iznosu od 477.598,32 KM bez PDV-a, odnosno 558.790,034 KM sa PDV-om.

Cijeneći navedeno, ugovorni organ donosi Odluku kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od deset dana od dana prijema ove Odluke i to u pisanoj formi i u dovoljnom broju primjeraka, a koji ne može biti manji od tri.

Broj: 03-02-51-548/2025
Bihać, 16.5.2025. godine


PREMIJER KANTONA
Nijaz Husić, MA